

Kita bukanlah orang-orang malam atau orang-orang kegelapan. Sebab itu baiklah jangan kita tidur seperti orang-orang lain, tetapi berjaga-jaga dan sedar. Sebab mereka yang tidur, tidur waktu malam dan mereka yang mabuk, mabuk waktu malam. Tetapi kita, yang adalah orang-orang siang, baiklah kita sedar, berbajuzirahkan iman dan kasih, dan berketopongkan pengharapan keselamatan.

1 Tesalonika 5:5-8

Disember 3, 2023

www.heraldmalaysia.com

Sri Paus serukan kedamaian

AKHTA SUCI: Sri Paus Fransiskus menyeru semua orang berdoa untuk perdamaian, khususnya di Tanah Suci di mana konfliknya bukan lagi "peperangan", namun sudah menjadi "terorisme".

"Saya mohon, marilah kita bergerak menuju perdamaian. Berdoalah untuk perdamaian. Semoga Tuhan membantu kita untuk tidak terus-terusan membunuh semua orang," kata Sri Paus.

Pada akhir audiensi umum mingguannya di Dataran Sto Petrus pada November 22, Bapa Suci mengingatkan semua orang "jangan lupa untuk bertekun dalam doa bagi mereka yang menderita kerana peperangan, terutama bagi orang-orang terkasih yang berada Ukraine, Israel dan Palestine serta Myanmar.

Bapa Suci juga mengatakan bahawa sebelum audiensi, beliau telah bertemu secara berasingan dengan sekumpulan warga Israel yang mempunyai sanak saudara yang ditahan di Gaza dan sekumpulan warga Palestina yang memiliki keluarga di Gaza.

Kedua-dua kumpulan ini "sangat menderita kerana peperangan. Tetapi, ini bukan lagi setakat perang tetapi terorisme."

Bapa Suci meminta masyarakat untuk berdoa agar Tuhan menjadi perantara dan "membantu kita memecahkan masalah dan tidak terdorong oleh hawa nafsu yang akhirnya membunuh semua orang. Mari kita berdoa untuk rakyat Palestine, mari kita berdoa untuk rakyat Israel, agar perdamaian dapat terwujud."

Melalui Jaringan Doa Sedunia Sri Paus, Fransiskus juga mendorong masyarakat untuk terus berdoa bagi perdamaian.

"Apa yang terjadi di Tanah Suci sangat menyakitkan. Sangat menyedihkan. Rakyat Palestine, rakyat Israel, mempunyai hak atas perdamaian. Kedua-dua bangsa yang bersaudara ini mempunyai hak untuk hidup damai," ujarnya dalam bahasa Sepanyol melalui video yang diterbitkan pada November 22. Video itu juga turut menyediakan sarikata dalam bahasa Inggeris, Perancis, Portugis, Itali, Arab dan Ibrani.

"Mari kita berdoa untuk perdamaian di Tanah Suci. Mari kita berdoa agar kesukaran-kesukaran ini akan selesai melalui dialog dan perbincangan, bukan dengan segunung kematian di pihak masingmasing, katanya.

Sebelum itu, pada November 19, Sri Paus Fransiskus mengenang Myanmar di mana peningkatan permusuhan antara junta dan kumpulan bersenjata etnik minoriti, Tentara Arakan, telah menular ke pelbagai kota di mana warga sivil terjebak dalam serangan balas.

"Saya mengatakan kembali kedekatan saya dengan negara tercinta masyarakat Myanmar yang terus menderita kerana kekerasan dan penindasan. Saya berdoa agar mereka tidak putus asa dan selalu percaya pada bantuan Tuhan."

Perangan tidak ada untungnya, ia membawa kemusnahan masa hadapan, satu-satunya pihak yang memperoleh keuntungan dari konflik adalah mereka yang membuat senjata, ujar Bapa Suci Fransiskus. — *media Vatikan*



Sri Paus Fransiskus bertemu wanita yang mempunyai sanak saudara di Palestine pada November 22. Gambar: Media Vatikan

VATIKAN: Perubahan zaman dalam dunia media memerlukan "komitmen yang diperbaharui untuk memartabatkan maruah rakyat, kepada keadilan dan kebenaran, kepada legaliti dan tanggungjawab bersama pendidikan," kata Sri Paus Fransiskus kepada perwakilan komunikator Katolik Itali.

Bapa Suci bertemu dengan perwakilan itu pada November 23 di mana prelatus itu mengingatkan mereka bahawa komunikasi, pada dasarnya adalah "berkongsi, menenun 'benang' persekutuan, mewujudkan jambatan tanpa meninggikan tembok."

Dalam konteks "bidang komunikasi" yang hebat hari ini, yang semakin pantas



dan sarat dengan maklumat, Bapa Suci menjemput mereka yang hadir untuk sentiasa mengutamakan tiga perkara

berikut:

a. pendidikan — cara untuk menghubungkan generasi tua dan muda.

Selain itu, komunikasi bukan sahaja memberi berita semasa, tetapi menyampaikan visi manusia dan Kristian yang bertujuan untuk membentuk minda dan hati

b. melindungi kumpulan paling lemah dalam masyarakat, termasuk golongan bawah umur, warga emas dan orang kurang upaya, "daripada invasif media digital dan godaan komunikasi provokatif dan polemik."

c. Kesaksian seperti yang ditunjukkan oleh Beato Carlo Acutis, yang berkata, "gunakanlah teknologi komunikasi baharu untuk menyampaikan Injil, menyampaikan nilai dan keindahan." — media Vatikan

Kesalehan dan akademik teologi

Saya hidup di tengah-tengah sempadan. Saya tidak bercakap mengenai geografi, tetapi yang memisahkan bangku gereja dalam dewan akademik teologi.

Saya dibesarkan sebagai Katolik Roman yang konservatif. Walaupun ayah saya bekerja dalam bidang politik untuk parti Liberal, kebanyakan perkara dalam didikan saya adalah konservatif, terutamanya yang berkaitan dengan

Dalam sehala hal, saya adalah seorang Roman Katolik yang teguh dan taat. Saya membesar semasa kepausan Bapa Suci Pius XII (sehingga nama adik bongsu saya juga bernama Pius, yang menunjukkan betapa setianya kami kepada Sri Paus dan ajaran Katolik).

Kami percaya bahawa Roman Katolik adalah satu-satunya agama yang benar dan percaya bahawa agama Protestan serta Evangelis perlu menukar dan kembali kepada kepercayaan yang benar. Saya menghafal katekismus Roman Katolik dan mempertahankan setiap perkataannya.

Lebih-lebih lagi, selain menjadi orang yang setia kepada gereja, keluarga saya sangat taat kepada kebaktian kesalehan (piety) dan devosi-devosi: kami berdoa rosari bersama-sama sebagai sebuah keluarga setiap hari; mempunyai patung dan gambar orang kudus di sekeliling rumah kami; memakai medali yang diberkati di leher kami; berdoa litani kepada Maria, Yosef dan Hati Kudus pada bulan-bulan tertentu; dan mengamalkan pengabdian yang khusyuk kepada orang-orang kudus. Dan kebaktian-kebaktian itu sangat indah. Saya, selama-lamanya akan bersyukur di atas praktik-praktik asas agama itu.

Saya meninggalkan rumah keluarga saya untuk ke seminari pada usia muda tujuh belas tahun dan tahun-tahun awal di seminari, telah menguatkan apa yang keluarga saya telah berikan kepada saya.

Ahli akademik yang saya temui adalah orang-orang yang baik dan bijaksana serta kami digalakkan untuk membaca buku yang ditulis oleh para pemikir yang hebat dalam pelbagai disiplin.

Tetapi pengajian tinggi ini masih berdasarkan dengan kukuh akan etos Roman Katolik yang menghormati latar belakang agama dan kebaktian saya. Pengajian awal universiti saya masih sejalan dengan kesalehan saya.

Fikiran saya berkembang, tetapi ketakwaan saya tetap utuh.

Cara saya dibesarkan memberi pengaruh yang kuat dalam diri saya. Tetapi, secara beransur-ansur, selama bertahun-tahun, dunia saya telah berubah.

Belajar di pelbagai sekolah siswazah, mengajar di fakulti siswazah, berhubung setiap hari dengan mereka yang berbeza iman, membaca novelis dan pemikir kontemporari, dan mempunyai rakan-rakan akademik yang sangat saya hargai, saya akui, memberi sedikit tekanan pada ketakwaan masa muda saya. Sejujurnya, kami tidak sering berdoa rosari atau litani kepada Maria atau Hati Kudus di dalam kelas siswazah atau di perhimpu-



nan fakulti.

Walau bagaimanapun bilik darjah akademik dan perhimpunan fakulti membawa sesuatu yang lain, sesuatu yang amat diperlukan di bangku gereja dan dalam kalangan orang-orang saleh iaitu visi dan prinsip teologi yang kritikal untuk mengawal ketakwaan yang liar, fundamentalisme yang naif, dan semangat keagamaan yang sesat.

Apa yang saya pelajari dalam kalangan akademik juga mengagumkan dan saya sentiasa bersyukur atas keistimewaan berada dalam kalangan akademik sepanjang hayat dewasa saya.

Tetapi, sudah tentu, itu boleh mencetuskan ketegangan, walaupun yang sihat. Izinkan saya menggunakan suara orang lain untuk menyatakan perkara ini.

Dalam bukunya Silence and Beauty oleh artis Jepun Amerika, Makoto Fujimura, berkongsi tentang kejadian ini yang terjadi dalam hidupnya.

Pada suatu Hari Minggu, beliau ke Gereja dan dia diminta oleh paderinya untuk menulis namanya dalam senarai memboikot filem, The Last Temptation of Christ.

Fujimura menyukai paderinya dan ingin menggembirakannya dengan menandatangani petisyen itu, tetapi berasa teragak-agak untuk menandatangani atas sebabsebab yang pada masa itu, dia tidak dapat menyatakannya.

Tetapi isterinya telah mengatakan sesuatu. Sebelum beliau menandatangani, isterinya mencelah, "Artis mungkin ada peranan lain bukan setakat memboikot filem sahaja."

Fujimura faham apa yang isterinya maksudkan dan tidak menandatangani petisyen itu.

Tetapi kejadian itu menyebabkan dia memikirkan ketidakselesaannya antara memboikot filem sedemikian dan peranannya sebagai seorang artis.

Maka dia menulis seperti berikut: Seorang artis sering ditarik ke dua arah. Orang yang konservatif agama cenderung melihat budaya sebagai suspek paling baik, dan apabila kenyataan budaya dibuat untuk melanggar realiti normatif yang mereka sayangi, tindak balas mereka yang lalai adalah untuk menentang dan memboikot.

Orang dalam komuniti artistik yang lebih liberal melihat langkahlangkah yang melampaui batas ini sebagai perlu untuk 'kebebasan bersuara' mereka. Seniman seperti saya, yang menghargai agama dan seni, tidak akan diterima oleh mereka.

Namun, saya cuba untuk berpegang kepada kedua-dua komitmen ini, tetapi ia tidak mudah.

Selain itu, saya juga menghadapi pergelutan lain. Ajaran agama semasa saya remaja, yang diturunkan oleh bapa saya, dan cabang Katolik yang kaya itu, sesungguhnya adalah nyata dan memberi kehidupan; tetapi begitu juga teologi ikonoklastik akademi yang kritikal (kadang-kadang meresahkan).

Kedua-duanya amat memerlukan antara satu sama lain; namun seseorang yang cuba setia kepada kedua-duanya seperti Fujimura, akhirnya merasa diasingkan daripada kedua-duanya. Ahli teologi juga mempunyai peranan lain selain memboikot filem.

Orang yang saya ambil sebagai mentor dalam bidang ini adalah lelaki dan wanita yang, pada pandangan saya, boleh melakukan kedua-duanya.

Contohnya seperti Dorothy Day, yang selesa dengan kedua-dua aliran, yang boleh mengetahui rosari dan perarakan keamanan; atau seperti Jim Wallis, yang boleh menyokong penglibatan sosial radikal dan pada masa yang sama, mendekatkan diri dengan Yesus; dan seperti Thomas Aquinas, yang inteleknya boleh menakut-nakutkan para intelek, tetapi dia boleh berdoa dengan ketakwaan seorang kanak-kanak.

Lingkaran kesalehan dan akademi teologi bukanlah musuh. Kedua-duanya perlu 'bersahabat' antara satu sama lain. — Hakcipta Terpelihara 1999-2023 @ Fr Ron Rolheiser

Berjaga-jaga dalam harapan dan iman

ada minggu lalu kita ada telah lenyap begitu sahaja merayakan Hari Raya tanpa jejak namun kita diajak Tuhan kita Yesus Raja Semesta Alam.

Kita diajak untuk melihat ke dalam diri kita untuk menyedari dan mengenal lebih dalam lagi kebesaran Anak Manusia yang taat dan setia memihak kepada orang-orang yang berkenan di hati-Nya.

Muncul pertanyaan bahawa apakah kita juga termasuk dalam golongan orang-orang yang berkenan di hati-Nya atau seba-

Dengan berdasarkan renungan tentang Penghakiman Terakhir kita diajak lebih dalam lagi merenungkan kehidupan seharihari kita, apakah kita menyedari kehadiran Tuhan Yesus dalam diri setiap jiwa yang kita jumpai setiap hari.

Muncul persoalan lain, iaitu bilakah penghakiman terakhir itu akan terjadi? Hari ini kita diajak untuk cuba mengenal tanda-tanda datangnya hari tersebut.

Tentang hari tersebut, tidak seorang pun yang mengetahui, bahkan ramalan-ramalan yang untuk tetap berhati-hati dan berjaga-jaga.

Minggu ini merupakan hari pertama masa Adven iaitu masa penantian.

Masa penantian adalah bukan masa kita menantikan akhir zaman tetapi sebetulnya adalah masa persiapan kita dan masa mengembangkan iman kita akan Yesus Kristus.

Injil Markus 13:33-37, memang memuat nasihat-nasihat untuk berhati-hati dan berjagajaga, tetapi kita jangan begitu cepat mengertikan nasihat tersebut sebagai penantian akan akhir zaman semata-mata sebab petikan tersebut lebih-lebih memberikan alasan mengapa harus berhati-hati dan berjaga-jaga.

Jika kita melihat konteks penulisan Mar 13:33-37 dan juga konteks atau latar belakang mengapa Yesus memberi nasihat berhatihati dan berjaga-jaga, kita dapati bahawa para murid Yesus akan berhadapan dengan banyak kesukaran dan cabaran, bahkan banyak penderitaan yang akan dialami pada kemudian hari.

Nasihat Yesus tersebut masih sangat berguna untuk kita pada masa kini di mana kita tidak dapat membayangkan apakah yang kita akan hadapi di masa hadapan kita bahkan hari ini.

Realitinya ketika ini kita menghadapi banyak kesulitan dan cabaran.

Maka fungsi daripada nasihat Yesus untuk berhati-hati dan berjaga-jaga adalah mempersiapkan diri untuk apa pun kemungkinan yang terjadi pada diri kita untuk masa akan datang.

Adven secara khusus adalah penantian kita akan kedatangan Tuhan Yesus saat Krismas nanti.

Kita bukan hanya menanti dengan begitu sahaja tetapi kita haruslah melakukan persiapan yang secukupnya untuk menyambut dan merayakan hari Kedatangan Tuhan.

Kita juga harus bersiap sedia dan berjaga-jaga selalu seperti pencuri yang tidak kita ketahui bila masanya datang mencuri, maka kita harus bersiap-siap supaya jangan sampai pencuri datang ke rumah kita merompak

HARI MINGGU PERTAMA ADVEN (B)

YESAYA 63:16B-17;64:1.3B-8; **1KORINTUS 1:3-9**; INJIL MARKUS 13:33-37

dan mengambil semua milik kita.

Demikian halnya dalam menantikan akhir zaman, kita perlu menyiapkan diri kita dan memperbaiki diri kita. mengembangkan iman kita.

Akhir zaman selalu diertikan kepada dua hal iaitu kedatangan ing-masing dan kedatangan Tuhan pada hari terakhir (akhir zaman).

Namun hal itu tidak penting kerana waktunya kita tidak tahu, yang penting adalah dari waktu yang kita miliki saat ini dan mungkin besok, lusa atau masa depan, kita persiapkan diri kita untuk saat yang tidak kita ketahui itu.

Selain dari itu, nasihat "Hati-

hatilah dan berjaga-jagalah" dalam Injil adalah nasihat untuk mempersiapkan diri (meneguhkan dan mengembangkan iman) untuk segala kemungkinan kesu-Memperbaiki diri bererti kita litan, masalah, penderitaan, pelbagai macam cabaran dan godaan, kemiskinan, kegagalan, penindasan, penganiayaan dan Tuhan pada akhir hidup kita mas- sebagainya, yang mungkin kita hadapi pada masa penantian tersebut.

Kerana saatnya kita tidak tahu dan kerana segala kemungkinan kita juga tidak tahu maka haruslah kita tetap "berhati-hati dan berjaga-jaga. Dan kamu akan dibenci semua orang oleh kerana nama-Ku; tetapi orang yang bertahan sampai pada kesudahannya akan selamat."(Mat 10:22).santapan rohani

Pelancaran Sabah Youth Day 6: Belia protagonis sukacita

PAPAR: Lebih 200 orang belia dari tiga Keuskupan/Agung di Sabah, bersama Penganjur Utama telah berkumpul di Gereja St Joseph untuk pelancaran Sabah Youth Day keenam (SYD 6) pada November 3-4 lalu.

Uskup Agung John Wong yang memimpin Misa Kudus pelanjaran pada Misa Senja, November 3, mengalu-alukan kedatangan semua perwakilan dari Keuskupan Agung Kota Kinabalu, Keuskupan Keningau dan Sanda-

Dalam homilinya, Uskup Agung John menyentuh tentang tema SYD 6 yang diambil dari petikan Injil Lukas 1: 39: Maria bangkit dan bergegas pergi.

Prelatus mengingatkan kepada semua umat untuk sentiasa memandang salib dan mengambil contoh Bonda Maria dalam kehidupan sebagai seorang pengikut Kristus.

Bapa Uskup Agung juga mengingatkan semua belia yang dibaptis bahawa kita diutus untuk mewartakan Khabar Gembira sehingga

Semasa sesi ucapan, Uskup Agung John

berharap agar melalui penganjuran SYD 6 ini, kaum muda Katolik di Sabah sentiasa berjalan bersama dalam semangat sinodaliti dan sentiasa membawa Yesus yang tinggal dalam diri kita untuk diwartakan kepada sesama.

SYD 6 bakal berlangsung di Katedral St.Francis Xavier, Keuskupan Keningau pada tahun 2024.

Koordinator Kerasulan Belia Keuskupan Keningau, Sdra Roney Alfred Eming menyatakan rasa syukurnya atas kejayaan Pelancaran SYD 6 setelah kejayaan program besar tiga program belia di tiga Keuskupan/ Agung Sabah pada Ogos lalu iaitu Pesta Belia Keuskupan Agung Kota Kinabalu ke-14, Khemah Belia Keuskupan Keningau ke-6 dan Temasya Belia Keuskupan Sandakan kali

Roney turut membentangkan konsep SYD 6 yang memberi gambaran kepada semua perwakilan bagaimana pelaksanaan SYD serta imbasan SYD kali pertama hinggalah SYD 5.

Tiga Objektif SYD 6

Tiga Objektif SYD 6 adalah seperti

i. agar para peserta menyedari, menghargai dan menerima diri sebagai ciptaan Tuhan yang terindah. ii. agar para peserta merayakan iman Katolik dengan penuh sukacita dan syukur.

iii. agar peserta bangkit dengan penuh semangat untuk meneruskan misi Kristus.

Walaupun belum ada tarikh tepat yang diputuskan, Tim penganjur menjangkakan bulan Ogos/September 2024 untuk melaksanaan program selama lima hari yang mensasarkan peserta berumur 15 hingga 45 tahun.

Pelancaran SYD 6 disempurnakan dengan gimik pelancaran iaitu penayangan video Logo dan Lagu Tema SYD 6 serta pemotongan riben 'Bunting' SYD 6 oleh Uskup Agung Dialog harmoni Kardinal dan Menteri Besar Kelantan



Menteri Besar Kelantan YAB Dato' Haji Mohd Nassuruddin Daud dan Kardinal Sebastian Francis.

KOTA BHARU: Dalam satu perhimpunan yang dianjurkan di kediaman rasmi Menteri Besar Kelantan, Kardinal Sebastian Francis menyampaikan pendirian Gereja Katolik, khususnya Keuskupan Pulau Pinang yang lebih mengutamakan dialog serta toleransi dalam pelbagai bentuk isu yang melanda negara.

Prelatus itu juga memberitahu Menteri Besar, YAB Dato' Haji Mohd Nassuruddin Daud, akan pendirian Gereja Katolik sejagat dalam isu Palestine-Israel bahawa Vatikan mengiktiraf kedaulatan Palestine sejak bulan Jun 2016, serta menyampaikan permohonan Sri Paus Fransiskus agar semua pemimpin dunia berpihak kepada keamanan.

Rombongan Kardinal Sebastian disertai oleh Fr Konstend Gnanapragasam, para biarawati FMM dan FSIC dan umat dari Kota

Turut hadir dalam sesi dialog itu ialah perwakilan dari denominasi Kristian, Buddha, Hindu dan juga ahli-ahli Kelab Penyokong PAS.

Memperkukuhkan hubungan antara agama dalam dialog dan kerjasama merupakan warisan arwah Tok Guru Nik Aziz Nik Mat, dalam mempromosi interaksi positif dan keharmonian antara agama.

Tanya Jawab



Adakah anda mempunyai persoalan agama, Kitab Suci atau ajaran Gereja? Hantarkan soalan anda ke:

HERALD 5, Jalan Robertson, **50150** Kuala Lumpur

Tel: 03-2026 8291

Email: liza@herald.com.my

Misa Perkahwinan pada musim Adven

Soalan: Mengapa tidak ada Misa masa khusus lainnya. Perkahwinan pada musim Adven?

Dalam pedoman Misale Romawi dikatakan bahawa Misa Pemberkatan Perkahwinan merupakan salah satu bentuk Misa Ritual, Misa yang dirayakan dalam kaitan dengan sakramen atau sakramentali.

Misa Ritual ini pada dasarnya dilarang pada hari Minggu semasa masa khusus, antara lain

Istilah Misa Ritual ialah Misa yang menggunakan rumus Misa Perkahwinan atau istilah formalnya: Misa Pro Sponsis, Misa bagi mempelai, rumusan misa untuk perkahwinan.

Jadi apakah ia menggunakan rumusan Misa hari Minggu yang bersangkutan dan apakah ia digunakan hanya untuk pemberkatan sahaja, tanpa Misa?

Akan tetapi, Pedoman Tata Perayaan Perkahwinan, yang dikeluarkan oleh Kongregasi Sakramen dan Tata Ibadah (1990) menyebutkan, bahawa perayaan liturgi perkahwinan sebaiknya diadakan pada hari-hari biasa, dan menggunakan rumus khusus untuk liturgi perkahwinan (Missa pro sponsis).

Akan tetapi, ditambahkan, kalau diadakan di hari Minggu sebaiknya diadakan dalam Misa umat untuk hari Minggu, dengan menggunakan rumus misa hari Minggu.

Lebih lanjut, perayaan itu dapat diadakan juga pada hari Minggu pada Masa Adven, dan

Akan tetapi catatan penting diberikan: agar mempertimbangkan semangat tobat pada masa itu, sehingga tidak mengadakannya dalam suasana kemeriahan atau suasana

Di sini, kita diingatkan akan Masa Adven sebagai masa tobat, penantian, dan pengharapan akan datangnya Juru Selamat.

Kerana semasa Musim Adven kita mendengar ungkapan Yohanes Pembaptis, "Bertobatlah, sebab kerajaan Syurga sudah dekat" (Mat 3:2).

Di beberapa tempat, uskup dan paderi tempatan mengadakan peraturan khusus. Dan kita harus menghormati kewibawaan pimpinan Gereja tempatan akan peraturan-peraturan yang mereka tetapkan.

Perkahwinan adalah persoalan hidup, kehidupan baharu di mana dua peribadi menjadi satu di hadapan dan di dalam Tuhan.

Sisi lain, lingkaran liturgi adalah pula persoalan hidup, di mana kehidupan iman kita mengikuti tapak perjalanan misteri Tuhan.

Perkahwinan adalah sebahagian dari rencana kehendakTuhan, sebagaimana pula misteri Yesus Kristus.

Kiranya pertimbangan atau paderi yang menyarankan agar tidak ada perkahwinan pada musim Adven, kita harus menghormai alasan bahawa masa Adven adalah masa tobat, dan tidak sesuai dengan intensi atau suasana perkahwinan.

Tetapi, jika ia diperbolehkan, kemudian perlu ada penyesuaian sana-sini, agar makna Adven tidak pudar atau hilang.

Baik perkahwinan mahupun masa liturgi bicara soal ritual kehidupan. Kedua-duanya sama-sama penting, dan sebagai umat beriman, kita jangan terlalu mudah mengabaikan masa liturgi ini.

Ini bermaksud agar hidup kita tetap berada dalam cakupan dan kesedaran akan peristiwa iman yang kita peringati. Tidak dapat disangkal, bahawa seringkali urusan penentuan atau penetapan tarikh Misa Perkahwinan, haruslah pada pertimbangan yang praktikal dan lebih peduli akan soal nilai atau makna dari perkah-

Keluhan Paus Fransiskus bahawa banyak perkahwinan Katolik sebenarnya "tidak valid", kerana orang tidak tahu apa yang dijanjikan dan tidak memahami apa nilai dan makna dari perkahwinan Katolik — dan ini kita perlu perhatikan dengan saksama.

Oleh itu, persoalan paling dasar pertanyaan ini bukanlah boleh atau tidak boleh. Ada sesuatu yang lebih penting: mempertimbangkan perkahwinan dengan sungguh-sungguh, termasuk juga soal tarikh dan musim liturgi, agar perkahwinan dapat sungguh menjadi perayaan iman akan kasih Tuhan yang mempersatukan. — T. Krispurwana Cahyadi SJ, hidupkatolik.com

Schebett Recal Mesus

Hello adik-adik,

Kini kita memasuki Hari Minggu Adven pertama. Dalam tradisi Gereja, dua minggu pertama Adven mengajak kita merenungkan kedatangan Tuhan pada akhir zaman; manakala dua minggu berikutnya mempersiapkan kita menyambut kedatangan Tuhan pada hari Natal.


Antie juga ingin mencadangkan kepada adik-adik agar merenung kembali hubungan kita dengan Tuhan. Adakah kita selalu berdoa dan berharap kepada-Nya?

Apakah kita taat menghadiri Misa Kudus atau lebih suka bermain games dari menghadiri perayaan Ekaristi?


Semoga masa Adven ini dapat mendorong adik-adik untuk tekun berdoa dan prihatin kepada mereka yang memerlukan.

Antie Melly

Bantu kanak-kanak ini untuk melawat nenek mereka pada musim Adven.



Jsi tempat kosong.



____ dan berjagajagalah! Sebab kamu tidak tahu ____ kah ___

nya tiba. Kerana itu

____lah, sebab kamu tidak tahu bilamanakah tuan

_____, its _____,

menjelang _____, atau ____ malam, atau ____

malam, atau _____ buta.

larut tengah

bilamana

malam

pagi-pagi


pulang

Hati-hati

waktu berjaga-jaga rumah



Cari LIMA perbezaan pada gambar di bawah







CDM alu-alukan mahasiswa



' HAH ALAM: Sejak dibangunkan 18 tahun lalu, sudah menjadi tradisi bagi pelayanan Catholic Varsity Students (CVS) untuk mengalu-alukan kemasukan pelajar universiti semester baharu dari pelbagai kampus melalui program CVS Welcoming Gathering.

CVS Welcoming Gathering 2023 kali ini yang bertemakan "Maria Bangkit Dan Bergegas Pergi." (Lukas 1:39), telah diadakan di Dewan St Faustina paroki Divine Mercy (CDM) pada Oktober 22 lalu selepas Misa Kudus.

Program dimulakan dengan sambutan kehadiran 200 pelajar universiti kemasukan baharu dan lama, yang kebanyakannya dari UiTM kampus Shah Alam, Puncak Alam, dan Puncak Perdana.

Selepas jamuan makan tengah hari, acara dimulakan dengan perasmian oleh Fr. Michel Dass, yang diiringi oleh Pelayan Pastoral Paroki bagi CVS, Joseph Asim, dan Dr Lovelyna Benedict Jipiu, Pensyarah Kanan UiTM.

Acara diteruskan dengan sesi pujipujian dan penyembahan yang dipimpin oleh barisan Exco CVS sendiri.

Objektif utama bagi setiap penganjuran CVS Welcoming Gathering adalah untuk perkenalkan kepada pelajar akan pelayanan CBS di bawah naungan paroki CDM agar mereka dapat melibatkan diri dalam pelayanan dan sokongan rohani dari komuniti tempatan.

Keperluan sokongan sosial serta ruang untuk pertumbuhan iman Katolik para pelajar ini dilihat penting oleh pihak Gereja demi melindungi dan menjaga kebajikan kaum muda Katolik yang tinggal berjauhan dari keluarga dan membantu mereka menghadapi persekitaran baharu.

Kata Carnixon Jiksing, pelajar Semester 1 dari UiTM Puncak Alam, "Saya tersentuh melihat para ahli jawatankuasa yang terlibat dalam penganjuran Welcoming Gathering ini, di mana mereka memberikan saya inspirasi untuk melayani Tuhan dengan segenap hati dalam apa pun bentuk pelayanan."

"Secara peribadi, saya sangat tersentuh waktu sesi penyembahan sehingga mengeluarkan air mata, sebab telah banyak saya pendam sepanjang melanjutkan pelajaran di sini." Suncaroline Hairry, pelajar Semester Dua, dari UiTM Puncak Perdana.

Selain itu, para pelajar juga berpeluang untuk saling mengenali dengan lebih dekat antara satu sama yang lain melalui Sesi Games dan Perkongsian Berkumpulan yang mengaitkan peranan Bonda Maria dalam pengalaman mereka semasa menerima tawaran dan pengalaman sepanjang melanjutkan pelajaran.

CDM memberikan sokongan penuh pada kebajikan pelajar dari jamuan makan sehinggalah kepada pengangku-

Pada akhir program, para mahasiswa diberkati oleh Fr Michel Dass. - Edna **Pristy Fening**

Hadapai pasang surut kehidupan dengan ENAM petikan Alkitab

Menjadi seorang remaja di dunia hari ini memang tidak mudah. Bukan hanya menghadapi godaan tetapi faktor lain, seperti media sosial, yang menanam keraguan diri.

Namun, penting bagi generasi muda untuk mengetahui bahawa beberapa keraguan diri adalah sebahagian daripada proses pendewasaan.

Malah, Yesus juga mengalami detik-detik keraguan yang mendalam dalam hidup-Nya. Dan dalam masa-masa gelap ini Dia berandal kepada Bapa Syurgawi-Nya sesuatu yang amat digalakkan untuk dilakkan oleh kaum muda.

Mujurlah Kitab Suci dapat membantu kaum muda mengharungi pasang surut kehidupan. Berikut enam petikan Alkitab (sebenarnya ada banyak lagi) untuk kita renungkan:

SEBAB Aku ini mengetahui rancangan-

rancangan apa yang ada pada-Ku mengenai kamu, demikianlah firman Tuhan, iaitu rancangan damai sejahtera dan bukan rancangan kecelakaan, untuk memberikan kepadamu hari depan yang penuh harapan. Dan apabila kamu berseru dan datang untuk berdoa kepada-Ku, maka Aku akan mendengarkan kamu. — Yeremia 29: 11-12

DAMAI sejahtera Kutinggalkan bagimu. Damai sejahtera-Ku Kuberikan kepadamu, dan apa yang Kuberikan tidak seperti yang diberikan oleh dunia kepadamu. Janganlah gelisah dan gentar hatimu.—Yohanes



sebab Aku menyertai engkau, janganlah bimbang, sebab Aku ini Tuhanmu; Aku akan meneguhkan, bahkan akan menolong engkau; Aku akan memegang engkau dengan tangan kanan-Ku yang membawa kemenangan. — **Yesaya 41:10**

takut,

Marilah kepada-Ku, se-

mua yang letih lesu dan berbeban berat, Aku akan memberi kelegaan kepadamu. Pikullah kuk yang Kupasang dan belajarlah pada-Ku, kerana Aku lemah lembut dan rendah hati dan jiwamu akan mendapat ketenangan. Sebab kuk yang Ku pasang itu enak dan beban-Ku pun ringan. — *Matius* 11: 28-30

JANGANLAH kamu menjadi hamba wang dan cukupkanlah dirimu dengan apa yang ada padamu. Kerana Tuhan telah berfirman: Aku sekali-kali tidak akan membiarkan engkau dan Aku sekali-kali tidak akan meninggalkan engkau. — *Ibrani 13: 5-6*

TULANG-TULANGKU tidak terlindung bagi-Mu, ketika aku dijadikan di tempat yang tersembunyi, dan aku tenggalam di bahagian-bahagian bumi yang paling bawah; mata-Mu melihat selagi aku bakal anak, dan dalam kitab-Mu semuanya tertulis hari-hari yang akan dibentuk, sebelum ada satupun dari padanya. Dan bagiku, betapa sulitnya fikiran-Mu, ya Tuhan Betapa besar jumlahnya! Jika aku mahu menghitungnya, itu lebih banyak dari pada pasir. Apabila aku berhenti, masih saja aku bersama-sama Engkau. —

Mazmur 139:15-18

— sumber Aletia

Jangan kuburkan bakat anugerah Tuhan

KOTA VATIKAN: "Kemiskinan material, budaya dan spiritual yang ada di dunia adalah sebuah "skandal" yang harus diatasi oleh umat Kristian dengan menerapkan kasih dan karunia yang diberikan Tuhan untuk mewujudkan belas kasihan serta kemuliaan Tuhan," kata Sri Paus Fransiskus.

Masyarakat miskin, mereka yang tertindas, lemah, terabai, korban perang, migran, mereka yang kelaparan, mereka yang tidak dapat bekerja atau dibiarkan tanpa harapan, "bukan seorang, dua orang malah bilangan mereka sangat ramai," kata Sri Paus Fransiskus semasa Misa yang dirayakan untuk Hari Orang Miskin Sedunia pada November 19 di Basilika Santo Petrus.

"Memikirkan betapa ramainya orang miskin, Injil menegaskan kepada kita: janganlah kita menguburkan kekayaan Tuhan. Marilah kita sebarkan amal dan

memperbanyakkan kasih," katanya.

Di antara lima ribu orang yang memenuhi basilika untuk Misa adalah para gelandangan dan orang-orang yang memerlukan, yang duduk di barisan depan dekat Sri Paus Fransiskus.

Setelah merayakan Misa dan Doa Angelus, Bapa Suci makan tengah hari di ruang audiensi Vatikan bersama 1,250 orang, meneruskan tradisi yang dimulainya pada Hari Orang Miskin Sedunia pertama, tahun 2017.

Sambil duduk di meja tengah, Bapa Suci berdoa agar Tuhan memberkati makanan dan "momen persahabatan" itu.

Hari Orang Miskin Sedunia ketujuh tahun ini mengambil tema dari Kitab Tobit: "Jangan memalingkan wajahmu dari siapapun yang miskin."

Seminggu menjelang hari sedunia tersebut, Vatikan memperpanjang waktu kerja dan operasi klinik perubatan dekat Dataran Sto Petrus yang merawat sesiapa sahaja yang memerlukan.

Dalam homilinya, Sri Paus Paus Fransiskus mengatakan umat Kristiani "telah menerima anugerah kasih dari Tuhan dan kita dipanggil untuk menjadi berkat bagi orang lain."

Uskup Agung Rino Fisichella, penganjur hari sedunia itu di Vatikan, menjadi selebran utama dalam Misa tersebut.

Merenungkan bacaan Injil dari Santo Matius, di mana Yesus menceritakan perumpamaan tentang seseorang yang menguburkan wang yang diberikan oleh tuannya dengan alasan melipatgandakannya, Bapa Suci kesal kerana ramai "orang Kristian yang menguburkan" atau menyembunyikan karunia dan bakat mereka di bawah tanah. Belas kasih, kasih sayang, kegembiraan dan harapan, kata-



nya, "adalah "barang" yang tidak boleh kita simpan hanya untuk diri kita sendiri."

"Kita dapat melipat gandakan semua yang telah kita terima, menjadikan kehidupan sebagai persembahan kasih bagi sesama," kata Sri Paus Fransiskus.

Bapa Suci menyeru masyarakat untuk memperhatikan orang miskin dan menyatakan "kemiskinan itu tersembunyi. Kita harus mencarinya dengan berani!" media Vatikan

Ketika Gereja bermandi warna merah

WINA, Austria: Sekitar 130 bangunan gereja, biara dan bangunan kerajaan di Austria berwarna merah pada Rabu malam, November 15.

Sekumpulan aktivis melakukan perarakan dari halaman Stephansplatz di depan Katedral Stephan, Wina dengan dipimpin Uskup Franz Scharl (Uskup untuk komuniti berbahasa asing di Keuskupan Agung Wina) dan didampingi seorang paderi dari Nigeria, Ikenna Okafor.

Mereka membawa batang bercahaya berwarna merah dan berjalan sekitar dua kilometer hingga ke Karlskirche (Gereja Karolus Boromeus) dan melakukan Perayaan Ekaristi disana.

Bukan hanya Gereja di wilayah Keuskupan Agung Wina yang berwarna merah malam itu, di keuskupan lain di Jerman dan beberapa negara lain termasuk Portugal, Brazil melakukan perkara yang sama.

Ini bukan suatu bentuk demonstrasi atau persiapan Adven, me-lainkan sebagai aksi Red Wednesday (Rabu Merah).

Apa yang mahu disampaikan dengan cahaya merah tersebut? Ia bermakna keprihatinan akan pelbagai kegiatan penganiayaan dan



Katedral Stephan diVienna dengan pancaran cahaya merah semasa Hari Rabu Merah (Red Wednesday).

tekanan yang dialami umat Kristian sejak berabad lalu di pelbagai belahan dunia. Begitu banyak kes penganiayaan terhadap umat Kristian di seluruh dunia.

Timur Tengah misalnya, tempat lahirnya agama Kristian tetapi menghadapi banyak penindasan hingga terancam akan menjadi wilayah bebas Kristian iaitu tidak ada lagi umat Kristian di sana.

Juga masih terdapat ramai umat Kristian di pelbagai belahan dunia yang mengalami ketidakadilan, dibom semasa merayakan Misa Kudus atau sukarnya mendapat keizinan mendirikan rumah ibadat.

Sejak tahun 2015, sebuah organisasi di Eropah, Kirche in Not (Gereja yang Memerlukan) menganjurkan Red Wednesday sebagai momen solidariti yang secara khusus mendoakan Gereja yang teraniaya dan menderita di seluruh dunia.

Ia mula dirayakan pada hari Rabu terakhir di bulan November pada tahun 2015, di mana patung Kristus di Rio de Janeiro disinari cahaya merah.

Dan pada tahun berikutnya, beberapa tempat seperti Roma, Paris, England serta Manila yang memancarkan cahaya merah pada Gereja atau Katedral mereka. — CNA

20 martir, perlihat iman dalam menghadapi perang

SEVILLE, Sepanyol: Sri Paus Fransiskus mengenang beatifikasi 20 orang martir di Seville, pada November 18.

Para martir itu dibunuh kerana kebencian terhadap para paderi semasa perang Saudara Sepanyol.

Selepas doa Angelus pada Novmber 19, Sri Paus Fransiskus mengenang beatifikasi Fr Manuel Gonzalez-Serna dan 19 orang rakannya di Keuskupan Agung Seville, Sepanyol semasa Perang Saudara Sepanyol.



Para martir Perang Saudara Spanyol dibeatifikasi di Seville.

"Manuel Gonzales-Serna, paderi keuskupan dan 19 rakannya terbunuh pada tahun 1936 semasa musim penganiayaan agama ketika Perang Saudara Sepanyol. Mereka dibeatifikasi pada November 17 di Seville," katanya.

Bapa Suci mengatakan para martir ini memberikan kesaksian tentang Kristus sehingga akhir hayat mereka.

"Semoga teladan mereka menghibur ramai orang Kristian masa kini yang didiskriminasi kerana iman, " ucap Bapa Suci.

Upacara beatifikasi berlangsung di katedral Seville, dipimpin oleh oleh prefek Dikasteri Penggelaran Para Kudus, Kardinal Marcello Semeraro.

Para beato itu terdiri dari 10 paderi, seorang seminarian dan sembilan umat awam. Mereka terbunuh akibat kebencian terhadap paderi pada tahun 1936.

Satu-satunya wanita dalam kumpulan martir itu adalah seorang ibu yang bekerja di paroki. Manakala martir lainnya adalah peguam, pemilik tanah, pemilik kedai ubat, sakristan, dan tukang kayu. — media Vatikan

Katolik Bangladesh rai 100 tahun warisan iman

DHAKA: Ribuan umat Katolik di Bangladesh menghadiri ulang tahun ke-100, berdirinya Rumah Uskup Agung di ibu kota Dhaka, sebuah tapak warisan nasional yang dipuji oleh para pemimpin Gereja kerana berperanan penting dalam pertumbuhan dan perkembangan agama Katolik di negara tersebut.

Perayaan sepanjang hari di Katedral Sta Maria bertema, "Iman, Warisan dan Pelayanan" menarik kehadiran sekitar 3,000 orang, pada November 17 lalu.

Acara tersebut meliputi Misa Kudus, tayangan filem dokumentari tentang sejarah dan warisan Rumah Uskup Agung Dhaka,

perkongsian, pelancaran majalah Souvenir dan persembahan kebudayaan.

Kardinal Patrick D'Rozario, Msgr Bejoy D'Cruze OMI (Uskup Agung Dhaka) dan pegawai urusan kedutaan Vatikan, Msgr. Marinko Antolovic, serta ahli parlimen Katolik, Jewel Areng dan Gloria Jhrana Sarker adalah antara tetamu yang hadir.

Sejarah dan pertumbuhan Gereja Katolik di Bangladesh berkait rapat dengan Rumah Uskup Agung, kata Uskup Agung D'Cruze kepada wartawan.

"Sejak didirikan (1923) rumah ini telah menjadi tanda mercu pendidikan Gereja di wilayah ini.



Para belia Katolik mempersembahkan tarian kebudayaan sempena perayaan 100 tahun Rumah Uskup Agung Dhaka pada November 17. (Gambar: ÚCAnews)

atas berkat yang diberikan dan

"Kami bersyukur kepada Tuhan berharap kesempatan ini dapat meningkatkan iman, persekutuan dan persaudaraan di dalam Gereja," kata Uskup Agung D'Cruze.

Alphonse Ponkaj Gomes, 58, penyanyi Katolik dari Gereja Katedral St. Maria, mengatakan perayaan tersebut merupakan kesempatan untuk bersyukur kepada Tuhan kerana pada ketika ini, Gereja Katolik telah berakar umbi di Bangladesh dengan nilai-nilai dan pelayanan.

"Rumah Uskup Agung Dhaka adalah tempat lahirnya iman juga telah menjadi tempat ziarah iman selama satu abad, yang mengingatkan kami bahawa kami harus terus menjaga serta mengekalkan warisan kami dan bergerak maju," kata Gomes kepada UCA News.

Audiensi Umum Sri Paus Fransiskus bersama kaum awam

Jadilah pewarta Injil sukacita bukan penyedih

VATIKAN: Memulakan katekesisnya semasa Audiensi Umum pada November 22, Bapa Suci Fransiskus mengimbas kembali tema minggu lalu, di mana beliau merenungkan pewartaan Kristian sebagai karva "sukacita."

Aspek kedua pewartaan Kristian, kata Sri Paus, ialah "ia adalah untuk semua orang." Injil mempunyai kuasa "memanusiakan" manusia.

"Apabila kita benar-benar bertemu dengan Tuhan Yesus, keajaiban pertemuan ini meliputi seluruh hidup kita. Keinginan Yesus untuk ini adalah untuk semua orang kerana Injil-Nya berkuasa mengubah manusia untuk berperibadi mulia dan kepenuhan kehidupan yang dinyatakan untuk setiap lelaki dan wanita."

Bapa Suci memetik ekshortasi apostoliknya pada 2013, *Evangelii Gaudium* (Sukacita Injil) yang menekankan bahawa orang Kristian "mempunyai kewajipan untuk mewarta Injil, semua umat yang dibaptis dan tidak ada seorang pun yang terkecuali."

"Tetapi jalankan tugas ini bukan seperti orang yang dipaksa, sebaliknya, serlahkanlah diri anda sebagai orang yang ingin berkongsi kegembiraan kepada sesama, yang menunjukkan kepada ufuk keindahan dan yang menjemput orang lain ke perjamuan yang meriah," kata Sri Paus dalam dokumen Sukacita Injil.

"Mewartakan Tuhan bukanlah dengan memaksa tetapi 'dengan tarikan'," katanya lagi.

"Saudara, saudari, marilah kita merasa-



Bapa Suci dalam acara makan tengah hari bersama para miskin di Vatikan.

kan bahawa kita sedang berkhidmat untuk tujuan sejagat Injil; dan marilah kita membuat perbezaan dan berupaya keluar dari zon selesa," kata Sri Paus.

"Orang Kristian bertemu di jalanan lebih kerap daripada di sakristi. Kita mesti terbuka dan luas, 'ekstrovert' kerana sikap ini meneladani Yesus yang menjadikan kehadiran-Nya di dunia sebagai perjalanan yang berterusan, bertujuan untuk menjangkau semua orang, bahkan belajar dari beberapa pertemuan."

Sri Paus juga bercakap tentang peranan yang dimainkan oleh kebijaksanaan dalam proses ini, dengan menyatakan bahawa "Alkitab menunjukkan kepada kita bahawa apabila Tuhan memanggil seseorang dan membuat perjanjian dengan mereka, kriterianya selalu begini: Pilih seseorang untuk menjangkau ramai orang lain."

"Mungkin godaan terbesar ialah menganggap panggilan yang diterima sebagai satu keistimewaan. Tidak. Kita tidak boleh mengatakan bahawa kita mempunyai keistimewaan berbanding orang lain. Panggilan adalah untuk pelayanan dan Tuhan memilih seseorang untuk mengasihi semua orang, untuk menjangkau semua orang," jelas Sri Paus.

Pada akhir audiensi, Sri Paus menyeru umat yang berhimpun di Dataran Sto Petrus untuk terus mendoakan negara-negara yang sedang bergolak seperti Ukraine, Palestine-Israel dan Myanmar. — *media Vatikan*

Harapan: Kunci bertahan dalam kesukaran

Pada masa suram dan sukar, kita mudah tergoda untuk kehilangan harapan.

Kita mungkin mahu mempunyai sikap yang positif, tetapi keadaan tidak selalu memihak sifat baik itu.

Walau bagaimanapun, satu-satunya cara kita boleh bertahan dalam kesusahan itu ialah dengan mempunyai harapan.

Sto John Climacus, seorang pertapa abad ke-6, menghabiskan 40 tahun menjalani kehidupan bersendirian, jarang berhubung dengan orang lain.

Tetapi dia akhirnya ditugaskan untuk menjaga sebuah biara dan beberapa religius mencarinya untuk meminta nasihat rohani.

Kebijaksanaannya sangat mendalam dan tulisannya terus memberi inspirasi kepada orang ramai hari ini.

Mendiang Sri Paus Benediktus XVI pernah menyatakan kehidupan Sto John Climacus semasa audiensi umum pada tahun 2009.

Pada ketika itu, mendiang Sri Paus memberikan katekesis tentang beberapa perkara yang boleh dipelajari daripada Sto John Climacus khususnya keperluan untuk mempunyai harapan.

Memetik tulisan Sto John, orang kudus itu menulis, "Harapan adalah kuasa yang mendorong cinta. Kerana berkat harapan, kita boleh menantikan ganjaran amal ...

"Harapan adalah pintu cinta ... Ketiadaan harapan menghancurkan amal: usaha kita terikat padanya, jerih payah kita disokong olehnya, dan melaluinya kita diselubungi oleh rahmat Tuhan."

Jenis harapan yang ditulis oleh Sto John ialah harapan *supernatural*, harapan yang kukuh pada masa depan dan pada apa yang Tuhan sediakan untuk murid-murid-Nya yang setia.

Sri Paus Benediktus menambah, "Sto John Climacus juga mengatakan bahawa harapan sahaja menjadikan kita mampu hidup amal; harapan untuk kita mengatasi perkara-perkara setiap hari, kita tidak hanya mengharapkan kejayaan di dunia kita tetapi turut menantikan wahyu Tuhan".

Hanya dalam peluasan jiwa kita ini, dalam transendensi diri ini, hidup kita menjadi hebat dan kita mampu menanggung usaha dan kekecewaan setiap hari, kita boleh berbuat baik kepada orang lain tanpa mengharapkan sebarang ganjaran.

Hanya jika ada Tuhan, harapan be-

sar yang kita cita-citakan ini, kita boleh mengambil langkah kecil dalam hidup kita dan dengan itu, belajar beramal.

Sebarang penderitaan yang kita alami boleh ditanggung dengan kebaikan harapan. Ia menyokong kita dalam masa gelap dan menunjukkan kita ke arah yang betul.

Daripada mencari penghiburan dalam kehidupan duniawi ini, kita menantikan kehidupan yang akan datang. Semua tindakan kita boleh diarahkan kepada harapan ini, memberikan kehidupan kita bermakna dan tujuan.

Jika anda sedang bergelut sekarang, mintalah kepada Tuhan untuk kebaikan harapan, untuk dapat melihat menerima kekecewaan masa lalu dan menantikan kegembiraan yang disediakan untuk ketika ketika di hadapan Tuhan. — *Aleteia*



PENULIS BERKICAU

Semangat Adven yang sejati

Beberapa hari lalu, seseorang yang rapat dan akrab dengan saya, telah meninggalkan saya buat selama-lamanya.

Pelayanan yang saya lakukan selama bertahuntahun, pada hari ini menyedarkan saya, saya masih tidak mengenal Tuhan dengan sesungguhnya.

Kelmarin, saya dan keluarga teruja untuk memulakan perjalanan ke sebuah pusat peranginan, namun pada hari ini, rancangan itu dibatalkan kerana anak yang tiba-tiba kurang sihat.

Dengan mudah, semalam kita gembira, hari ini kita bersedih yang tidak dapat digambarkan.

Itulah realiti hidup kita. Oleh kerana ia adalah realiti, kita tidak dapat menghindarinya atau terlalu takut menghadapi realiti yang tidak diingini.

Walau bagaimanapun, Adven memberi kita sesuatu yang sangat positif kerana ia memperbaharui kepercayaan kepada Penebus.

Sto Yohanes berkata "Tidak seorangpun yang pernah melihat Tuhan; tetapi Anak Tunggal Tuhan, yang ada di pangkuan Bapa, Dialah yang menyatakan-Nya." (Yoh 1:18).

Melalui Yesus Kristus, saya telah menerima jaminan-Nya bahawa kehidupan saya yang seterusnya adalah kebahagiaan abadi jika saya dengan tulus menjalani kehendak Tuhan dalam kehidupan ini.

Dan pada musim Adven, jaminan inilah yang selalu mengingatkan dan menunjukkan kepada saya bahawa semua suka dan duka dalam hidup bukanlah "gurauan" Tuhan.

Sebaliknya, Tuhan memandang saya dan anda sebagai insan yang mulia agar kita faham bahawa semua kejadian dalam hidup adalah alat yang berkesan untuk kita mencapai kebahagiaan abadi. Cuma persoalannya, sama ada kita tahu cara menggunakannya atau tidak.

Pada minggu pertama Adven ini, saya berharap agar kita menghadapi dua realiti ini dengan doa, harapan dan berpuasa iaitu: Realiti peperangan dan krisis iklim.

Kedua-dua realiti ini boleh menyebabkan hidup kita berakhir lebih cepat daripada yang kita jangkakan

Dalam realiti peperangan, jangan anggap negara-negara yang berperang itu jaraknya jauh dari negara kita. Realitinya, meskipun negara kita tidak berperang tetapi ia menjejaskan ekonomi global

Dalam realiti iklim, jangan mudah selesa dengan menganggap persekitaran kita selamat selama-lamanya kerana negara kita berada di luar lingkaran gempa bumi.

Seperti pembacaan Injil pada Hari Minggu pertama Adven, kita harus berjaga-jaga. Seorang paderi pernah menasihati, "Manusia selalu menyangka kedatangan Tuhan itu akan berlaku beribu tahun lagi. Tetapi kita tidak tahu bila waktunya. Mungkin Tuhan itu akan datang selepas anda membaca artikel ini, semasa anda membeli belah hari ini"

Bersama-sama dengan semua mangsa peperangan, mangsa pemerdagangan manusia, korban bencana alam, mereka yang mati semasa cuba menyelamatkan diri dari konflik, yang sakit dan terabai ... semoga musim Adven ini kita lebih berdoa, beramal, berpuasa dan keluar dari zon selesa kita.

KENYATAAN MISI HERALD

HERALD adalah Mingguan Katolik Gereja Malaysia. Ia berusaha untuk menyampaikan berita-berita terkini, nilai-nilai Kristian dan berusaha untuk berdialog dengan semua sektor masyarakat untuk membina komuniti beriman kepada Tuhan yang harmoni. Kami menyokong pembentukan Gereja dan menggalakkan umat awam dan religius untuk membuat keputusan moral di arena luar Gereja.

Bagi Orang-orang kurang upaya: Kita berdoa agar orang kurang upaya sentiasa diperhatikan dalam masyarakat dan institusi yang boleh menawarkan program inklusif yang menghargai penyertaan aktif mereka.

Disember 3, 2023

Rev Elvost, wakil Malaysia ke Pakistan

KOTA KINABALU: Ditahbis pada Julai 22, lalu, Fr Elvost Lunchi, paderi tempatan kedua Mill Hill Missionary telah akur dan menerima di mana sahaja beliau akan ditempatkan.

Setelah lebih tiga bulan melayani di Paroki Papar dan Limbahau, Fr Elvost diutus ke Keuskupan Hyderabad, Pakistan pada November 17 lalu.

Sebelum berangkat ke Pakistan, Fr Elvost terlebih dahulu memimpin beberapa perayaan Ekaristi kesyukuran, khususnya di chapel asalnya, Chapel St Teresa dan Chapel St Sabina.

Semasa merayakan Misa Kudus di Chapel St Sabina pada November 12, Fr Elvost memberi peneguhan kepada mereka yang sedang dalam kesedihan dan menghadapi kesusahan.

Beliau juga memberi peringatan agar umat sentiasa 'berjaga-jaga' kerana kita tidak tahu bila Yesus datang kali kedua.

"Kadang-kadang kita memikirkan kedatangan Yesus itu masih jauh, akan berlaku ribuan tahun lagi. Tetapi Injil mengingatkan kita untuk menggunakan kebijaksanaan. Perlu sentiasa bersedia, berdoa, membuat kebaikan lebih-lebih lagi meng-



Fr Elvost bersama umat Chapel St Sabina sebelum berangkat ke Pakistan.

hadiri Misa Kudus dan menerima Sakra- haja dan di mana sahaja." men-sakramen."

Menurut laman sesawang St Joseph Missional Society, Fr Elvost telah selamat tiba di Keuskupan Hyderabad dan melayani komuniti orang Asli Kachi Kholi.

"Mill Hill Missionaries (MHM) adalah instrumen Tuhan dalam membawa Khabar Gembira Yesus Kristus kepada sesiapa sa-

"Sebagai anak jati Sabah, di mana iman dan Gereja dibangunkan melalui capaian missionari khususnya Mill Hill Missionaries, Pemimpin Umum MHM telah mengingatkan saya bahawa saya adalah wakil umat komuniti tempatan dan wakil Malaysia untuk menyebarkan Khabar Gembira di Pakistan."

Komuniti Doktor Katolik rayakan Misa Putih

SUBANG JAYA: Persatuan Doktor Katolik Malaysia (CDAM) meraikan Misa Putih tahunan mereka baru-baru ini di Gereja St Thomas More.

Misa Putih adalah tradisi yang diadakan pada bulan Oktober untuk menghormati Sto Lukas, santo pelindung para doktor.

Seramai 45 orang doktor dan beberapa pelajar perubatan berarak masuk ke dalam Gereja bersama Msgr Patrick Boudville, pembantu eklesiastikal CDAM.

Dalam homilinya, Msgr Patrick menekankan panggilan Tuhan untuk semua umat, tanpa mengira kerjaya profesional seseorang, sama ada doktor, jururawat, paderi, peguam, atau guru bahawa kita dipanggil untuk melayani lebihlebih lagi mereka yang memerlukan.

Dr David Kumar, presiden CDAM, dalam ucapannya, menggesa umat untuk berdoa agar lebih ramai profesional menyertai organisasi

Menyedari peningkatan dua kali ganda dalam kehadiran doktor dari tahun sebelumnya, Dr Kumar menyamakan para doktor senior yang komited dengan Abraham dan Musa, yang amat berdedikasi kepada Gereja dan masyarakat, sehingga pada tahun-tahun akhir hidup mereka.

Para pemimpin KUBM mengasingkan diri sebentar untuk mantapkan pelayanan

KUALA LUMPUR: Para pemimpin Kerasulan Umat Bahasa Malaysia (KUBM) dari paroki sekitar Keuskupan Agung Kuala Lumpur telah berkumpul secara fizikal buat pertama kali sejak pandemik melanda.

Program yang berkonsepkan retret ini bertema "Yesus, Aku Percaya Kepada-Mu" diadakan di Villa Dominic Retreat Centre, Genting Highlands pada Oktober 28-29 lalu.

Seramai 75 peserta dari 11 paroki di bawah Keuskupan Agung Kuala Lumpur telah hadir ke retret yang memberi ruang kepada mereka untuk saling mengeratkan tali persahabatan dan bertukar pandangan.

Sebanyak empat sesi mengisi program retret. Sesi pertama, "Aku Percaya" disampaikan oleh Pengerusi ABMA, Sdra Egbert

Sesi ini bertujuan untuk merenung dan mengukur sejauh mana kepercayaan kita kepada Yesus Kristus, kesanggupan beran-



Para pemimpin KUBM Keuskupan Agung Kuala Lumpur.

dal kepada Yesus dan mengambil risiko dalam pelayanan kita.

Egbert turut mengendalikan sesi kedua, "Mengasihi" yang memperkenalkan teknik Mula – Henti – Teruskan, bagi para peserta membuat renungan tentang apakah aktiviti peribadi yang patut dimulakan atau diteruskan, dan apakah aktiviti yang patut dihen-

Pada akhir sesi, para peserta diminta untuk membuat resolusi mengukuhkan hubungan peribadi dengan Yesus.

Sesi ketiga iaitu "Perancangan dan Pengurusan Program serta Kewangan" oleh Sdri Elena Woo bertujuan untuk memberi panduan kepada pemimpin-pemimpin KUBM tentang teknik dan kaedah merancang serta menguruskan program.

Elena mengongsikan tujuh langkah pengurusan program iaitu a) Penetapan objektif program menggunakan kaedah S.M.A.R.T iaitu Specific, Measurable, Achievable, Relevant dan Time-Bound, b) Penyediaan bajet program, c) Penubuhan komiti, d) Penetapan tempat, e) Melaksanakan analisa risiko, f) Jemputan kepada sukarelawan, dan g) Pemilihan kontraktor.

Pembimbing eklesia ABMA, Fr Terrance Thomas turut hadir dalam retret itu dan merayakan Misa Kudus bersama para peserta.

Dalam homilinya, Fr Terrance mengingatkan kembali dua perintah agung Yesus iaitu "Kasihilah Tuhan, dengan segenap hatimu dan dengan segenap jiwamu dan dengan segenap akal budimu dan dengan segenap kekuatanmu. Dan hukum kedua: Kasihilah sesamamu manusia seperti dirimu sendiri."

KUCHING: Pelayanan Keluarga Kristian di Gereja Blessed Sacrament telah berjaya menganjurkan kursus Keibubapaan Alfa yang berakhir pada awal bulan bulan lalu.

Kursus Alfa selama tiga bulan itu melibatkan 33 siri keibubapaan di mana setiap siri membantu ibu bapa atau penjaga berjalan bersama dalam iman dengan anak-anak

Antara sesi kursus ini ialah membantu ibu bapa membina asas keluarga, melihat dan memahami keperluan anak-anak mereka, menetapkan aturan dan batasan dalam keluarga serta memupuk hubungan sihat dalam

Salah satu peserta, Yuliyani, mengatakan "Kursus Keibubapaan Alfa ini mengajar saya untuk memerhati serta memahami tingkah laku anak-anak. Saya juga belajar bagaimana mengenal emosi, tingkah laku dan kemahiran berkomunikasi dengan anak-anak. — Today's Catholic

